

Na osnovu člana 47. Statuta Javne zdravstveno-nastavne ustanove Dom zdravlja „Dr Mustafa Šehović“ Tuzla, a u vezi sa članom 20 a. Zakona o radu („Službene novine Federacije BiH“ broj: 26/16 i 89/18), člana 4. Uredbe o postupku prijema u radni odnos u javnom sektoru u Tuzlanskom kantonu broj: 4/19, 4/20, 11/20 i 5/21), članova 13., 14., te 16.-42. Pravilnika o radu – I dio broj: 04-2315-1/2022. od 16.05.2022. godine, Pravilnika o radu – III dio (unutrašnja organizacija i sistematizacija radnih mjesta) broj: 04-5548-1/2022 od 24.10.2022.godine i Odluke o utvrđivanju potrebe i raspisivanju Javnog konkursa za prijem radnika u radni odnos na neodređeno vrijeme sa punim radnim vremenom broj: 16-02-6228-1/22 od 05.12.2022. godine, direktor Ustanove, raspisuje

**JAVNI KONKURS**  
**za prijem radnika u radni odnos na neodređeno vrijeme sa punim radnim vremenom**  
**uz obavezan probni rad u trajanju od 3 (tri) mjeseca**  
**u Javnoj zdravstveno-nastavnoj ustanovi Dom zdravlja „Dr Mustafa Šehović“ Tuzla**

1. Doktor medicine, specijalista radiologije/specijalista dijagnostičke radiologije/specijalista kliničke radiologije u Odjeljenju: Radiologija - Služba medicinske dijagnostike 1 izvršilac
2. Doktor medicine, specijalista pedijatrije u Dispanzeru za predškolsku djecu – Služba opšte-porodične medicine 1 izvršilac
3. Doktor medicine, specijalista pneumoftizologije/pulmologije u Centru za specifična i nespecifična plućna oboljenja – Službe u zajednici i specijalističko-konsultativna zdravstvena zaštita 1 izvršilac

**Kratak opis poslova za poziciju broj 1:**

Učestvovanje u obezbjeđivanju uslova za rad u saradnji sa šefom Odjeljenja. Horizontalno povezivanje. Vertikalno povezivanje zdravstvene zaštite, radiografija pluća. Radiofotografija, radioskopija srca sa radiografijom, pregledni snimak abdomena nativno sa zdjelicom, intravenozna urografija, intravenozna cistografija, nativni snimak urotakta, mamografija, radiografija – očitavanje snimaka. Pravi plan rada rasporeda ljekara za rad na aparatima. Rad na ultrazvučnim i drugim aparatima.

Rad na poboljšanju i mjerenju kvaliteta prema planu održavanja i poboljšanja sistema kvaliteta i sigurnosti, te mjerenje kvaliteta kliničkog rada (kliničke revizije, indikatori).

Učestvovanje u osposobljavanju zdravstvenih radnika (mentorstvo ljekarima pripravnicima, volonterima i specijalizantima), uvođenje u rad novih radnika, učešće u planiranju i realizaciji istraživačkih projekata, publiciranje stručnih i naučnih radova, stalno lično stručno usavršavanje i kontinuiran rad na uvođenju i primjeni savremenih medicinskih dostignuća.

**Kratak opis poslova za poziciju broj 2:**

Učestvovanje u obezbjeđivanju uslova za rad u saradnji sa šefom Dispanzera. Horizontalno povezivanje. Vertikalno povezivanje zdravstvene zaštite. Prvi i ponovni ljekarski pregled, upućivanje na specijalistički konsultativni pregled i bolničko liječenje, prvi i ponovni ljekarski pregled u stanu oboljelog, ljekarski pregled novorođenčeta u stanu, ljekarski pregled dojenčeta u savjetovalištu, ljekarski pregled predškolskog djeteta u savjetovalištu, ljekarski pregled prije upućivanja djeteta u ustanovu za kolektivni boravak (jaslice, obdaništa, ljetovališta i dr.), ljekarski pregled djeteta za upis u školu, ljekarski pregled djeteta ometenog u psihofizičkom razvoju u cilju kategorizacije, učešće u konzilijarnom pregledu, izdavanje ljekarske potvrde (izvod iz medicinske dokumentacije), sistematski pregled dojenčeta u savjetovalištu, sistematski pregled predškolskog djeteta, ljekarski pregled sa izdavanjem odgovarajućeg ljekarskog uvjerenja, obrada površinske rane bez šivanja, obrada opekotina I i II stepena manjeg obima, incizija manjeg karbunkula, apscesa ili panaricijuma, vađenje stranog tijela iz kože i potkožnog tkiva, ispiranje uha (cerumena), davanje klizme, uzimanje brisa (nosa, ždrijela, anusa i dr.), obrada pupka kod novorođenčeta, obrada usne duplje kod sora ili stomatitisa kod dojenčeta, obrada i liječenje buloznog dermatitisa kod novorođenčeta, previjanje, skidanje šavova ili kopči, postavljane fiksacionog zavoja kod distorzija, primarno zbrinjavanje preloma ili drugih povreda ekstremiteta imobilizacijom, imunizacija, parenteralno davanje lijekova, utvrđivanje smrti i smrti mrtvorodne djece, pregled UZ abdomena, UZ kukova, alerg., oksimetrija, inhalaciona terapija, reanimacija, praćenje rizične novorođenčadi, praćenje psihomotornog razvoja, promocija disanja, zdravstveni nadzor nad objektima za kolektivni boravak djece i praćenje zdravstvenog stanja djece koja žive u kolektivu, organizacioni sastanak (planiranje zdravstveno-vaspitanog rada), zakazani ciljani razgovor (zdravstveno vaspitni rad), tematski razgovor – pitanja i odgovori – (zdravstveno vaspitni rad), rad sa grupom (zdravstveno vaspitni rad), rad u Centru za vakcinaciju, Ambulanti za dojenje, Kabinetu za ultrazvuk abdomena i kukova i Kabinetu za alergološke testove, prijavljivanje nus pojava na sve vrste lijekova u skladu sa zakonom i podzakonskim aktima.

Rad na poboljšanju i mjerenju kvaliteta prema planu održavanja i poboljšanja sistema kvaliteta i sigurnosti, te mjerenje kvaliteta kliničkog rada (kliničke revizije, indikatori).

Učestvovanje u osposobljavanju zdravstvenih radnika (mentorstvo ljekarima pripravnicima, volonterima i specijalizantima), uvođenje u rad novih radnika, učešće u planiranju i realizaciji istraživačkih projekata, publiciranje stručnih i naučnih radova, stalno lično stručno usavršavanje i kontinuiran rad na uvođenju i primjeni savremenih medicinskih dostignuća.

**Kratak opis poslova za poziciju broj 3:**

Učestvuje u obezbjeđivanju uslova za rad u saradnji sa šefom Odsjeka. Horizontalno povezivanje. Vertikalno povezivanje zdravstvene zaštite. Vršiti prvi i ponovni pulmološki ljekarski pregled, upućuje na specijalističko-konsultativni pregled, ljekarski pregled lica sa aktivnom i inaktivnom plućnom tuberkulozom, ljekarski pregled lica iz kontakta, ponovni ljekarski pregled lica pod hemioprofilaksom, prvi i ponovni ljekarski pregled u stanu oboljelog, pregled sa upućivanjem na ljekarsku komisiju, ljekarski pregled sa obradom za upućivanje na invalidsko-penzionu komisiju, izdaje ljekarska uvjerenja na lični zahtjev, zahtjev suda ili pravnih organa, učestvuje u konzilijarnom pregledu, vrši rendgenoskopiju pluća, očitava rendgenografiju pluća, radiofotografija pluća, tomografija pluća, radiofotografija – sistematski pregled pluća grupe stanovništva (za svaki pregled), vrši mjerenje plućne funkcije, traži analize sputuma za mikrobiološko ispitivanje, vrši epidemiološko izviđanje i praćenje oboljelih od plućne tuberkuloze koji su BK pozitivni, vrši epidemiološki nadzor nad oboljelim od plućne tuberkuloze sa izradom analize o kretanju plućne tuberkuloze među stanovništvom određenog područja, vodi organizacioni sastanak (planiranje zdravstveno-vaspitanog rada), zakazani-ciljani razgovor (zdravstveno vaspitni rad), radi sa grupom (zdravstveno vaspitni rad), radi u Savjetovalištu za astmu i HOPB-a, Savjetovalištu za tuberkulozu, Savjetovalištu za oboljele od sarkoidoze i Onkološkom savjetovalištu, radi u endoskopskom kabinetu: priprema, izvođenje dijagnostičkih i terapijskih procedura, vrši alergološko ispitivanje na inhalacione i nutritivne alergene, radi sa ABS aparatom, zaključuje nalaze dobivene spiroergometijom, prijavljuje nus pojave na sve vrste lijekova u skladu sa zakonom i podzakonskim aktima.

Rad na poboljšanju i mjerenju kvaliteta prema planu održavanja i poboljšanja sistema kvaliteta i sigurnosti, te mjerenje kvaliteta kliničkog rada (kliničke revizije, indikatori).

Učestvovanje u osposobljavanju zdravstvenih radnika (mentorstvo ljekarima pripravnicima, volonterima i specijalizantima), uvođenje u rad novih radnika, učešće u planiranju i realizaciji istraživačkih projekata, publiciranje stručnih i naučnih radova, stalno lično stručno usavršavanje i kontinuiran rad na uvođenju i primjeni savremenih medicinskih dostignuća.

Kandidati treba da ispunjavaju **opšte, posebne uslove i ostale posebne uslove** Javnog konkursa:

**Za pozicije pod rednim brojem: 1., 2. i 3.**

**Opšti uslovi:**

1. da su državljani Bosne i Hercegovine
2. da su stariji od 18 godina
3. da su zdravstveno sposobni za poslove za koje se kandiduju

**Za poziciju pod rednim brojem 1.**

**Potrebno zvanje-zanimanje, stručna sprema i radno iskustvo, posebni uslovi i ostali posebni uslovi:**

- Stručno zvanje, zanimanje: doktor medicine
- Stepenn stručne spreme: VSS VII stepen/integrirani I i II ciklus studija sa 360 bodova
- Radno iskustvo u struci: 1 godina/ili po položenom specijalističkom ispitu

**Posebni uslovi:**

- Specijalistički ispit iz radiologije/dijagnostičke radiologije/kliničke radiologije
- Stručni ispit u stručnom zvanju doktor medicine
- Važeća Licenca za samostalan rad u zvanju specijaliste radiologije/dijagnostičke radiologije/kliničke radiologije, izdata od nadležne ljekarske komore

**Ostali posebni uslovi:**

- Edukacija iz UZ abdomena
- Poznavanje rada na računaru

**Za poziciju pod rednim brojem 2.**

**Potrebno zvanje-zanimanje, stručna sprema i radno iskustvo, posebni uslovi i ostali posebni uslovi:**

- Stručno zvanje, zanimanje: doktor medicine
- Stepenn stručne spreme: VSS VII stepen/integrirani I i II ciklus studija sa 360 bodova
- Radno iskustvo u struci: 1 godina/ili po položenom specijalističkom ispitu

**Posebni uslovi:**

- Specijalistički ispit iz pedijatrije
- Stručni ispit u stručnom zvanju doktor medicine
- Važeća Licenca za samostalan rad u zvanju specijaliste pedijatra, izdata od nadležne ljekarske komore
- Poznavanje rada na računaru

**Za poziciju pod rednim brojem 3.**

**Potrebno zvanje-zanimanje, stručna sprema i radno iskustvo, posebni uslovi i ostali posebni uslovi:**

- Stručno zvanje, zanimanje: doktor medicine
- Stepenn stručne spreme: VSS VII stepen/integrirani I i II ciklus studija sa 360 bodova
- Radno iskustvo u struci: 1 godina/ili po položenom specijalističkom ispitu

**Posebni uslovi:**

- Specijalistički ispit iz pneumoftizologije/pulmologije
- Stručni ispit u stručnom zvanju doktor medicine
- Važeća Licenca za samostalan rad u zvanju specijaliste pneumoftiziologa/pulmologa, izdata od nadležne ljekarske komore
- Poznavanje rada na računaru

**Kandidati uz prijavu na Javni konkurs treba dostave:**

1. Prijavni obrazac uredno popunjen i potpisan (preuzima se sa web stranice Ustanove: [www.dztuzla.ba](http://www.dztuzla.ba) ili na recepciji Ustanove - Uprava)
2. Izvod iz matične knjige rođenih
3. Uvjerenje o državljanstvu
4. PBA-1/ili PBA-3
5. Dokaz o završenom obrazovanju: Diploma o završenom medicinskom fakultetu za zvanje doktor medicine VSS VII stepen/Diploma o završenom integriranom I i II ciklusu studija sa 360 bodova za zvanje doktor medicine i Dodatak diplomi o završenom integriranom I i II ciklusu studija sa 360 bodova za zvanje doktor medicine
6. Uvjerenje o položenom stručnom ispitu u zvanju doktor medicine
7. Uvjerenje o položenom specijalističkom ispitu
8. Važeću Licencu za samostalan rad u zvanju specijaliste, izdatu od nadležne Ljekarske komore
9. Uvjerenje o radnom iskustvu u zvanju specijaliste od poslodavca
10. Dokaz o poznavanju rada na računaru: Certifikat/Uvjerenje/Diploma i slično o stečenom znanju nakon provedene edukacije (kursa, tečaja i sl.)  
Napomena: kao dokaz o poznavanju rada na računaru neće se uzimati u obzir dokaz o položenom predmetu iz informatike i sl. tokom školovanja.
11. Dokaz o završenoj edukaciji i UZV abdomena za poziciju 1.

**Radi bodovanja i rangiranja kandidata u skladu sa Pravilnikom o radu – I dio, kandidati uz prijavu treba da dostave sljedeću dokumentaciju:**

- a) Uvjerenje sa prosjekom ocjena ostvarenih tokom studija
- b) Uvjerenje o radnom iskustvu u struci
- c) Kandidati koji se nalaze na evidenciji nezaposlenih lica Službe za zapošljavanje radi bodovanja mogu da dostave uvjerenje ove Službe da se vode na evidenciji nezaposlenih lica i o vremenu provedenom na evidenciji nezaposlenih lica nakon sticanja stručne sprema koja se traži Javnim konkursom.

- d) Kandidati mogu dostaviti dokumentaciju kojom se dokazuju prava prema Zakonu o dopunskim pravima branitelja i članova njihovih obitelji Tuzlanskog kantona **na osnovu koje će ostvariti prednost pri zapošljavanju nad ostalim kandidatima pod uslovom, kada imaju isti broj bodova** po prethodno obavljenom bodovanju, po osnovu posebnih uslova i bodova ostvarenih na provjeri znanja, radnih i stručnih sposobnosti i vještina, putem testiranja, praktičnog rada i intervjua.

Kandidati su obavezni dostaviti dokumentaciju navedenu pod a).

Kandidati koji ne dostave dokumentaciju navedenu pod: b) i c), neće biti bodovani po tom osnovu, a kandidati koje ne dostave dokaz pod d) ne ostvaruju pravo na razmatranje prednosti pri zapošljavanju nad ostalim kandidatima pod uslovom da imaju isti broj bodova po prethodno obavljenom bodovanju, po osnovu posebnih uslova i bodova ostvarenih na provjeri znanja, radnih i stručnih sposobnosti i vještina, putem testiranja, praktičnog rada i intervjua.

**Svi dokumenti koji se dostavljaju uz prijavu na Javni konkurs moraju biti u ovjerenoj kopiji.**

**Napomena:** Izabrani kandidati će biti u obavezi da **prije prijema u radni odnos**, odnosno prije potpisivanja Ugovora o radu dostaviti:

- Ljekarsko uvjerenje kao dokaz da je tjelesno i duševno sposoban za obavljanje poslova za koje se kandiduje
- Uvjerenje da protiv lica nije pokrenut krivični postupak, ne starije od datuma izlaska Javnog konkursa
- Uvjerenje da lice nije osuđivano za krivično djelo za koje je izrečena zatvorska kazna, osim krivičnog djela protiv sigurnosti javnog saobraćaja, ne starije od datuma izlaska Javnog konkursa

Javni konkurs ostaje otvoren 8 dana od dana objavljivanja, a rok za podnošenje prijave počinje teći narednog radnog dana od dana njegovog objavljivanja u dnevnom listu.

Podnosilac neuredne, nepotpune i neblagovremene prijave nije učesnik Javnog konkursa i nema procesnu legitimaciju za pobijanje odluke o izboru kandidata ili čitavog postupka za zasnivanje radnog odnosa, pred Upravnim odborom Ustanove, odnosno pred nadležnim sudom.

**Urednom prijavom na Javni konkurs smatra se uredno popunjen PRIJAVNI OBRAZAC.**

**Potpunom prijavom smatra se prijava uz koju su priloženi svi dokazi o ispunjavanju općih, posebnih i ostalih posebnih uslova naznačenih u Javnom konkursu, koje kandidati treba da dostave prilikom prijave na Javni konkurs.**

**Blagovremenom prijavom na Javni konkurs smatra se prijava koja je podnesena u roku koji je određen u Javnom konkursu.**

Ispunjavanje uslova utvrđenih Javnim konkursom računa se sa danom predaje prijave.

Po zatvaranju Javnog konkursa Komisija za provođenje procedure prijema u radni odnos (u daljem tekstu: Komisija) će prema dostavljenoj dokumentaciji izvršiti klasifikaciju kandidata.

Neblagovremene, nepotpune i neuredne prijave na Javni konkurs, Komisija će odbaciti zaključkom.

Komisija će u pisanoj formi zaključkom obavijestiti kandidate koji nisu dostavili urednu, potpunu i blagovremenu dokumentaciju.

Kandidati koji nisu dostavili urednu, potpunu i blagovremenu dokumentaciju, ne mogu učestvovati u daljoj konkursnoj proceduri.

Sa kandidatima koji ispunjavaju uslove Javnog konkursa i čije prijave budu uredne, potpune i blagovremene obaviti će se provjera znanja, radnih i stručnih sposobnosti i vještina putem pismenog testa, praktičnog rada i intervjua.

Komisija će pismenim putem pozvati kandidate na provjeru znanja, radnih i stručnih sposobnosti i vještina **putem pismenog testa.**

Kandidati koji na pismenom testiranju ostvare najmanje 70% od ukupnog broja bodova stiču pravo da:

- pristupe intervjuu, koji ima za cilj procjenu profesionalnih karakteristika, iskazanih sposobnosti i kompetencija za radno mjesto na koje se kandidat prijavio i
- pristupe provjeri njihovih praktičnih znanja i vještina vezanih za radno mjesto za koje su aplicirali.

Kandidati koji na pismenom testiranju ostvare manje od 70% od ukupnog broja bodova isključuju se iz dalje procedure prijema u radni odnos.

Komisija će izvršiti bodovanje kandidata, te sačiniti rang listu uspješnih kandidata i istu istaknuti na Oglasnoj ploči Ustanove.

Izvještaj o provedenom postupku i rang listu uspješnih kandidata Komisija će dostaviti direktoru Ustanove, koji će donijeti odluku o izboru kandidata sa liste uspješnih kandidata.

Prijave na Javni konkurs dostaviti u zatvorenim kovertama putem pošte ili lično na adresu, UZ OBAVEZNU NAZNAKU NA KOVERTI ZA KOJE RADNO MJESTO KANDIDAT APLICIRA:

**Javna zdravstveno-nastavna ustanova  
Dom zdravlja „Dr Mustafa Šehović“ Tuzla  
75000 T U Z L A  
Ul. Albina i Franje Herljevića broj 1**

**KOMISIJI ZA PROVOĐENJE PROCEDURE PRIJEMA U RADNI ODNOS  
“Prijava na Javni konkurs za prijem u radni odnos /navesti poziciju/\_\_\_\_“  
sa naznakom „NE OTVARATI“**

**Dokumentaciju dostavljenu uz prijavu na Javni konkurs Ustanova neće vraćati kandidatima.**

DIREKTOR,

s.r.,Prim.dr Suad Bijedić